

Na osnovu člana 10. i člana 16. Zakona o udruženjima i fondacijama Republike Srpske ("Službeni glas Republike Srpske" broj 52/01 i 18/05) Skupština Naučnog društva matematičara Banja Luka, održana 11. juna 2007. godine, usvojila je

## **S T A T U T**

### **NAUČNOG DRUŠTVA MATEMATIČARA BANJA LUKA**

I OPŠE ODREDBE

II CILJEVI I DJELATNOSTI

III ČLANOVI DRUŠTVA, PRAVA, OBVEZE I ODGOVORNOST ČLANOVA

IV TIJELA I ORGANI DRUŠTVA

V IMOVINA DRUŠTVA

VI PRELAZNE I ZAVRŠNE ODREDBE

#### **I OPŠE ODREDBE**

Član 1.

Ovim Statutom utvrđuje se: naziv, sjedište i područje na kojem djeluje Naučno društvo matematičara Banja Luka (u daljnjem tekstu: Društvo) zastupanje; ciljevi; djelatnosti, javnost rada, članstvo, tijela Društva i druga pitanja značajna za rad Društva.

Član 2.

Naziv Društva glasi:

NAUČNO DRUŠTVO MATEMATIČARA BANJA LUKA.

Skraćeni naziv Društva je DM BL

Sjedište Društva je u Banjoj Luci

Odluku o adresi Društva donosi Predsjedništvo Društva.

Društvo djeluje na području banjolučke regije.

Društvo zastupa predsjednik Društva i član Društva kojeg ovlasti Predsjedništvo Društva.

Član 3.

Društvo ima znak. Znak Društva su slova "DM BL" u pravougaonom obliku. Pečat Društva je okruglog oblika promjera 30 mm. Na rubu pečata ispisan je naziv Društva, a u sredini sjedište.

Štambilj Društva je pravougaonog oblika u kojem je upisan tekst „Society of Mathematicians Banja Luka“ .

Član 4.

Radi ostvarivanja zajedničkih ciljeva Društvo može sarađivati i udruživati se sa sličnim društvima u zemlji i inozemstvu.

Društvo je obavezno član evropskih asocijacija EMS (European Mathematical Assdociation) i ERME (European Association for Research of Mathematical Education)

O radnjama iz stava (1) ovog člana odluke donosi Predsjedništvo Društva

## Član 5.

Rad Društva je javan.

Javnost rada osigurava se i ostvaruje pravodobnim i istinitim obavještanjem članstva i šire javnosti putem sredstava javnog informisanja, plakatima i putem oglasne ploče.

Radi što potpunijeg ostvarivanja javnosti rada Društvo može izdavati svoje glasilo u skladu sa propisima o javnom informiranju. Odluku o izdavanju glasila donosi Skupština Društva.

## II CILJEVI I DJELATNOSTI

### Član 6.

Društvo je neprofitna, strukovno udruženje građana osnovano sa ciljem unapređenja i razvijanja širenja matematičke kulture, matematičkih nauka i vaspitno-obrazovne i društvene djelatnosti u području matematike i srodnih disciplina.

### Član 7.

Ostvarivanjem ciljeva iz prethodnog člana Društvo ostvaruje sljedećim djelatnostima:

- prikazivanjima i diskusijama o naučnim i stručnim radovima članova Društva na redovnim sastancima, skupštinama, kongresima, savjetovanjima, konferencijama, seminarima, kolokvijima, kao i referatima o savremenim problemima matematičkih i srodnih nauka,
- izdavanjem časopisa i drugih publikacija,
- saradnjom sa srodnim društvima u zemlji i inozemstvu,
- saradnjom u izradi i razmatranjem nastavnih programa i didaktičke opreme iz matematike za sve vrste i nivoe školskog obrazovanja,
- organiziranjem seminara i drugih oblika stručnog i metodičkog usavršavanja nastavnika matematike i srodnih nauka,
- sudjelovanjem u izradi udžbenika za matematiku i srodne oblasti, davanjem stručnih mišljenja o vrijednosti udžbenika, priručnika i drugih didaktičkih materijala,
- iniciranjem i sudjelovanjem u raznim oblicima rada sa učenicima (seminari, ljetne škole i sl.), učešćem u pripremanju i provođenju takmičenja učenika osnovnih i srednjih škola, te studenata u matematičkim i srodnim naukama,
- formiranjem posebnih komisija i sekcija za određene probleme,
- saradnjom sa osnovnoškolskim i srednjoškolskim aktivima nastavnika matematike i srodnih oblasti,
- realizacijom strukovno-didaktičkih i naučnoistraživačkih projekata u oblasti matematike i srodnim disciplinama, kao i
- obavljanjem i drugih poslova koji doprinose ostvarivanju ciljeva Društva utvrđenih ovim Statutom.

Na aktivnosti iz alineja (2), (6) i (10) ovog člana primjenjuju se odgovarajuće odredbe Zakona o naučnoistraživačkoj djelatnosti i Zakona o izdavačkoj djelatnosti Republike Srpske kao i odgovarajuće odluke UNESCO-a koje se odnose na uređivanje i publikovanje stručnih i naučnih časopisa i drugih publikacija.

### **III ČLANOVI DRUŠTVA, PRAVA, OBAVEZE I ODGOVORNOST ČLANOVA**

#### **Član 8.**

Članstvo u Društvu može biti redovno i počasno.

Redovni član može postati građanin koji prihvati Statut i opće akte Društva, a koji je:

- diplomirao matematičke i druge srodne nauke na višoj školi ili fakultetu,
- koji se ističe u naučnom i/ili stručnom radu na području matematičkih i srodnih znanosti.

Redovni članovi Društva su stručni članovi i naučni članovi Društva. Pravilnikom iz člana 25, alineja (3) ovog Statuta regulišu se uslovi i način izbora naučnih članova Društva.

Redovni članovi Društva mogu biti i pravne osobe sa sjedištem u Republici Srpskoj, B&H, koje djeluju kao naučne i/ili vaspitno-obrazovne institucije u području matematike i srodnih područja znanosti.

Počasni članovi Društva mogu postati, uz njihovu suglasnost, osobe koje su svojim djelovanjem posebno doprinijeli razvoju Društva.

Počasni članovi ne plaćaju članarinu.

#### **Član 9.**

Odluku o prijemu u članstvo donosi Predsjedništvo Društva po primitku prijave za prijem sa dokazom o ispunjenju uslova iz člana 8. ovog Statuta. Odluku o proglašenju počasnog člana donosi Skupština na prijedlog Predsjedništva.

#### **Član 10.**

Članovi Društva imaju pravo:

- birati i biti birani u organe Društva,
- dati inicijativu za sazivanje Skupštine, izmjene i dopune Statuta, izbora i opoziva tijela Društva,
- na sastancima tijela Društva sudjelovati u donošenju odluka,
- koristiti sredstva Društva za naučnoistraživački rad u skladu sa odlukama tijela Društva, i
- dobijati besplatno publikacije Društva.

#### **Član 11.**

Dužnosti članova su:

- raditi na ostvarivanju ciljeva Društva,
- propagirati publikacije Društva,
- sudjelovati na sastancima i skupovima koje organizuje Društvo,
- redovito plaćati članarinu,

- izvršavati i druge dužnosti koje im povjere tijela Društva.

#### Član 12.

Društvo može svojim članovima, naučnim i prosvjetnim radnicima, te ustanovama koje se naročito ističu u naučnom i/ili nastavnom radu odnosno na unapređenju djelatnosti Društva podijeliti posebna priznanja u obliku diplome, plakete ili zahvalnice.

Odluku o dodjeli priznanja donosi Skupština Društva.

#### Član 13.

Članstvo u Društvu prestaje:

- pismenom izjavom o istupanju iz članstva,
- brisanjem iz članstva ako ne plaća članarinu duže od godinu dana,
- isključenjem iz članstva.

#### Član 14.

Član Društva može biti isključen iz članstva ako prekrši odredbe Statuta ili ugrozi interese Društva ili prouzroči ozbiljnu štetu Društvu i njegovom članstvu.

Odluku o isključenju donosi Predsjedništvo Društva.

Isključeni član ima pravo žalbe Skupštini u roku od 30 dana od dana prijema odluke. Odluka Skupštine o žalbi je konačna.

### IV TIJELA DRUŠTVA

#### Član 15.

Tijela Društva su:

- Skupština,
- Predsjedništvo,
- Predsjednik,
- Naučno vijeće Društva.

Mandat zbornih tijela traje 2 godine.

#### **Skupština**

#### Član 16.

Skupština je najviše tijelo Društva, a čine je sve fizičke osobe, članovi Društva te predstavnici pravnih osoba koja je članovi Društva.

Redovna Skupština Društva održava se najmanje jednom godišnje.

Predsjednik Društva može sazvati vanrednu Skupštinu na vlastitu inicijativu ili na zahtjev najmanje 1/10 članova Društva, s time da odmah predloži dnevni red.

Ako Predsjednik Društva ne sazove Skupštinu na zahtjev predlagача iz stava (3) ovog člana, u roku od 30 dana od dana podnesenog zahtjeva, sazvat će je predlagач.

Na vanrednoj Skupštini razmatraju se samo pitanja zbog kojih je sazvana.

#### Član 17.

Skupštinu saziva Predsjednik Društva dostavljanjem pismenih poziva članovima najmanje 7 dana prije održavanja Skupštine.

Radom Skupštine rukovodi Predsjedništvo Društva.

Skupština može pravovaljano odlučivati ukoliko je nazočno najmanje 15 članova Skupštine.

Pravovaljane odluke donose se natpolovičnom većinom glasova prisutnih osim ako ovim Statutom nije drugačije određeno.

Odluku o prestanku rada Društva donosi najmanje 2/3 članova Društva.

Odluke na Skupštini donose se javnim glasovanjem osim u slučaju kada Skupština odluči da se tajno glasanje.

#### Član 18.

Skupština Društva:

- donosi Statut i njegove izmjene i dopune,
- donosi druge opšte akte potrebne za djelovanje Društva,
- bira i razrješava Predsjedništvo Društva, donosi finansijski plan i usvaja završni račun,
- razmatra izvještaj o radu Predsjednika Društva,
- odlučuje o sudjelovanju Društva u radu nacionalnih i inostranim organizacija,
- odlučuje o saradnji i udruživanju sa drugim udruženjima i organizacijama,
- rješava žalbe članova u drugom stepenu,
- odlučuje o prestanku rada i/ili postojanja Društva,
- odlučuje o drugim pitanjima od značaja za rad Društva utvrđenih ovim Statutom koja nisu stavljena u rad drugih tijela.

#### **Predsjedništvo**

#### Član 19.

Predsjedništvo broji 5 članova.

Na konstituirajućoj sjednici Predsjedništva, koju saziva dosadašnji Predsjednik Društva, u roku od 15 dana od izborne Skupštine, članovi Predsjedništva između sebe biraju Predsjednika, podpredsjednika i sekretara Društva.

#### Član 20.

Predsjedništvo Društva:

- utvrđuje prijedlog Statuta i njegovih izmjena i dopuna,
- utvrđuje prijedlog finansijskog plana i završnog računa,
- podnosi Skupštini godišnji izvještaj o radu,
- odlučuje o visini članarine,
- odlučuje o prijemu i o isključenju iz članstva,
- odlučuje o adresi sjedišta Društva,
- brine se o informisanju članstva i javnosti,
- odlučuje o korištenju imovine Društva,

- osniva odbore, komisije i druga tijela koja pomažu ostvarivanju ciljeva Društva,
- obavlja i druge aktivnosti koje su potrebne radi obavljanja djelatnosti Društva.

Sjednice Predsjedništva održavaju se prema potrebi.

Predsjedništvo donosi odluke većinom članova Predsjedništva.

#### Član 21.

Skupština može razriješiti članove Predsjedništva i prije isteka vremena na koje su izabrani ukoliko prekorače svoja ovlaštenja ili ne izvršavaju svjesno svoje obaveze.

Ukoliko razrješava cijelo Predsjedništvo Skupština tada bira novo sa punim mandatom, a ukoliko razrješava pojedine članove tada bira nove članove na vrijeme do isteka mandata cijelog Predsjedništva.

### **Predsjednik**

#### Član 22.

Predsjednik Društva osigurava pravilan i zakonit rad Društva.

Predsjednik Društva zastupa Društvo.

Predsjednik Društva ujedno je i predsjednik Skupštine, predsjednik Predsjedništva i predsjednik Naučnog vijeća Društva.

#### Član 23.

Podpredsjednik Društva pomaže Predsjedniku u izvršavanju obaveza Predsjedništva.

Podpredsjednik Društva preuzima obaveze i prava Predsjednika u njegovoj odsutnosti ili dužoj spriječenosti i/ili nesposobnosti da obavlja poslove od interesa za Društvo.

#### Član 24.

Sekretar Društva:

- pomaže predsjedniku Društva u njegovu radu i obavlja druge poslove koje mu povjeri predsjednik Predsjedništva,
- vodi popis članova Društva,
- vodi brigu o zapisnicima sa sjednica Skupštine i Predsjedništva,
- vodi i čuva arhivu i pečat Društva,
- obavlja i druge poslove u skladu sa odlukama Predsjedništva.

### **Naučno vijeće Društva**

#### Član 25.

Naučno vijeće Društva je stručni organ Društva u čijoj su nadležnosti strukovni poslovi Društva.

Naučno vijeće Društva su članovi Društva sa naučnim zvanjima. Izuzetno, članovi Naučnog vijeća Društva mogu biti članovi Društva u zvanju viši asistent i/ili viši saradnik.

Pravilnikom o organizaciji i radu Naučnog vijeća Društva, koji donosi Skupština Društva na prijedlog Predsjedništva Društva, utvrđuju se broj, sastav, način izbora i trajanje mandata, prava i obaveze članova Naučnog vijeća Društva.

#### Član 26.

Naučno vijeće Društva:

- predlaže naučnoistraživački program rada Društva u skladu sa djelatnošću Društva,
- Predlaže naučne projekte i ocjenjuje kvalitet ostvarenih projekata realizovanih u Društvu,
- Utvrđuje prijedloge za sticanje naučnog zvanja,
- Odlučuje o sticanju istraživačkih zvanja
- Obavlja druge poslove predviđene Statutom i Pravilnikom.

#### Član 27.

Na rad Naučnog vijeća Društva primjenjuju se odredbe Zakona o naučnoistraživačkoj djelatnosti Republike Srpske (Službeni glasnik RS-a 48/02, 97/04, Zakon o izmjenama i dopunama o naučnoistraživačkoj djelatnosti (Broj:01-1279/07 od 17. jula 2007.))

### V PUBLIKACIJE DRUŠTVA

#### Član 28.

Društvo uređuje i izdaje sljedeće edicije:

- ***Bulletin of Society of Mathematicians Banja Luka***, ISSN 0354-5792, (osnovan 1994), naučni časopis koji pokriva matematičke nauke na Engleskom jeziku.
- ***MAT-KOL (Banja Luka), Matematički kolokvijum (Banja Luka)***, ISSN 0354-6969 (osnovan 1995), Stručno-metodički časopis koji pokriva Didaktiku, Istoriju i Filozofiju matematike, izlazi najmanje jednom godišnje na Srpskom jeziku.
- ***MAT-KOL (Banja Luka), posebna izdanja***, ISSN 0354- 6969 (pokrenut 1997), Edicija u kojoj Društvo publikuju naučne i/ili stručno-metodičke knjige iz oblasti matematike.
- I druge ediciju prema odluci Predsjedništva Društva na prijedlog Naučnog vijeća Društva.

#### Član 29.

Društvo ima javnu tribinu „Matematički seminar“.

### VI IMOVINA DRUŠTVA

#### Član 30.

Imovinu Društva čine prihodi koje Društvo ostvaruje od:

- članarine,
- donacija i dotacija,

- sredstava dobivenih od domaćih i međunarodnih organizacija koje podupiru rad i djelovanje Društva,
- sredstava ostvarenih organiziranjem seminara i predavanja te od izdavačke djelatnosti u skladu sa Zakonom, i
- ostalih prihoda u skladu sa Zakonom

#### Član 31.

Društvo upravlja imovinom u skladu sa propisima o materijalnom i finansijskom poslovanju neprofitnih organizacija.

Svi prihodi i rashodi određuju se finansijskim planom koji se donosi za jednu kalendarsku godinu i vrijedi za godinu za koju je donesen. Po završetku godine za koju je donesen finansijski plan sastavlja se završni račun.

Predsjednik Društva ima naredbodavno pravo u raspolaganju imovinom Društva.

U slučaju prestanka postojanja Društva, imovinom Društva raspoložu osnivači Društva.

## VI PRELAZNE I ZAVRŠNE ODREDBE

#### Član 32.

Tumačenje odredaba Statuta daje Skupština Društva.

Ovaj Statut stupa na snagu danom donošenja.

Danom donošenja ovog Statuta prestaje važiti Statut donijet na Skupštini održanoj 02.04.1994. godine i njegove izmjene i dopune donijete na Skupštini 16.11.2005. godine.

*Predsjednik Društva*